

UGOVOR

o poslovno tehničkoj saradnji

zaključen u Prijedoru dana 18.01. 2019. godine između JU „Centar za prikazivanje filmova“ Prijedor (u daljem tekstu Prikazivač) i „UNA FILM“ d.o.o. ZENICA, Trg Alije Izetbegovića 86., 72000 Zenica, (u daljem tekstu Distributer) s druge strane, kako slijedi:

Član 1.

Ugovorne strane su saglasne da Prikazivač vrši prikazivanje filmova sa digitalne filmske kopije (u daljnjem tekstu: "filmska kopija") ili filmske kopije 35 mm u kino-dvoranama PRIKAZIVAČA, iz repertoara Distributera prema prethodno usaglašenom rasporedu prikazivanja, a za koje filmove je DISTRIBUTER prethodno stekao prava na navedeni oblik iskorištavanja.

Raspored filmova, termine prikazivanja i cijene ulaznica definišaće putem posebne zaključnice između Distributera i Prikazivača.

Član 2.

Ugovorne strane su saglasne da najamnina za uslugu iz člana 1. ovog Ugovora iznosi 50% u korist Distributera od bruto prihoda ostvarenog prodajom ulaznica. Naknada u navedenom iznosu po cijeni 50/50 % DISTRIBUTER/PRIKAZIVAČ od ukupnog prihoda po osnovu prodanih ulaznica je regulisana Postupkom javne nabavke redni broj 16. prema Planu javnih nabavki Javne ustanove „Centar za prikazivanje filmova“ Prijedor za 2019. god., broj 459/18 od 13.12 2018. godine i Odlukom o izboru ponuđača broj: 509/18 od 31.12. 2018. godine.

Distributer će vršiti fakturisanje najamnine na osnovu izvještaja Prikazivača o ostvarenom prihodu.

Član 3.

Sa Distributerom se zaključuje ugovor za sukcesivno pružanje predmetnih usluga prema cijenama, odnosno procentima 50/50 % DISTRIBUTER/PRIKAZIVAČ od 01.01. 2019. godine do 31.12. 2019. godine, ukupno do maksimalno raspoloživog iznosa u budžetu za predmetnu nabavku u skladu sa tekućim Budžetom Ugovornog organa-Prikazivača.

Član 4.

Distributer ima obavezu pravovremenog dostavljanja reklamnog materijala i kopije filma. Distributer zadržava pravo promjene rasporeda filmova o čemu je dužan pravovremeno obavijestiti prikazivača.

Prikazivač se obavezuje da obezbijedi uslove za normalno održavanje bioskopske predstave (kino-operater, tehnički uslovi, blagajna, kontrola ulaza i reda u sali, oglašavanje repertoara i sl.).

Prikazivač se ne obavezuje prikazati svaki ponuđeni film od Distributera, ima pravo na izbor filmova u skladu s potrebama.

Prikazivač je obavezan da svakodnevno izvještava distributera o broju gledalaca.

Po završetku igranja filma, prikazivač je dužan kopiju filma poslati prema dispoziciji distributera. Troškove slanja kopije filma snosi pošiljalac.

Član 5.

Ugovorne strane su se sporazumjele da se filmovi sa tekućeg repertoara prikazuju sedmično, i to od četvrtka do srijede.

Izuzetno, kada su u pitanju domaći film i veliki filmski hitovi ovaj se raspored može promijeniti i povećati broj dana prikazivanja uz prethodni dogovor.

Ugovorne strane ostavljaju mogućnost dogovora oko prekida prikazivanja filmova za vrijeme zimске i ljetne pauze, za dane državnih praznika i druge neradne dane državnih institucija.

Član 6.

Ugovorne strane su se sporazumjele da je ovaj ugovor zaključen na određeno vrijeme do 31.12. 2019. godine. Ugovor traje ukoliko postoje uslovi regulisani odredbama ovog ugovora. Eventualne izmjene odredbi ugovora biće regulisane aneksom ugovora.

Član 7.

Ugovorne strane su saglasne da eventualne sporove prvenstveno rješavaju sporazumnim putem, a u protivnom za rješavanje sporova nadležan je Osnovni sud u Prijedoru.

Član 8.

Ovaj ugovor sačinjen je u četiri (4) istovjetna primjerka od kojih svaka strana zadržava po dva (2) primjerka.

Datum: 18.01. 2019. godine

JU „Centar za prikazivanje filmova“ Prijedor
(Prikazivač)

Anita Hodžić, dipl.ekon.

„UNA FILM“ d.o.o. ZENICA
(Distributer)

UNA FILM
d.o.o. Zenica